

صاحب امتیاز و سر محرری

اورفہ مبعوثی

شیخ صفوت

مرکز توزیمی باب عالی جادہ سندہ

جمعیت کتب خانہ سیدر

نسخہ سی ۲۰ پارہ در

تصوف

بالجلہ محررات در سعادت پوستہ خانہ سنہ

تصوف جریدہ سی نامہ کوندر ملیدر

قوطو نومرو سی ۱۴۳

شرائط اشترا

سنہ لکی ممالک عثمانیہ ایچون

۳۰ غروش ، مصر و ممالک اجنبیہ

ایچون ۷ فراقدر .

التصوف کلہ آداب : ابو حفص عمر بن مسلمہ

عرفای امتک مقالات عارفانہ لرینہ تصوفک صحیفہ لری آچیقدر

تصوفہ متعلق مباحث شتادن باحث و مکارم اخلاق اسلامیتک تعمیمنہ خادم مجلہ معنویہ در

و خضوعی التزام ایدر لر ایدی بر کون نمازده ایکن بلدیکی
بر ذات اوراده بولنیوردی نمازدن فارغ اولنجه او ذاته
خطاباً بیورمشلردرکه : برادر ! صاقین شو قیلدینغ نمازه
باقوبده تعجب ایتمز را ایلدیس ملکرله برابر بیکرجه سذر
عبادت ایتمش ایدی لکن عاقبتنده نه اولدینغی بیلیرسک !
مثال اوله رقی ابراد ایدیلان واسلاف کرامه عائد بولنان اشبو
مناب سنیه هر دلرو فیض و فتوحک متبعیدر . بوصفت جلیله
ایله متصف اوله بیلیمک ایچون حضرات صوفیه غایت عارفانه
بر دستور فضیلتی توصیه بیورمشلردر : هر بر انسان
کندی نفسنده ضرور و قصوری عین الیقین بیلیر . لکن
دیگر لر ینک قصور و قیامجه کانجه هر حالده ظن درجه سنده
قالیر ظن ایله یقینک آراسنده کی فرق و قوت نظر دفته
النیرسه نفسنی دائماً هر کیدن آشانغی کورمهک مجبور
اولور . ایشته بوتون اعظم امتک کندی نفسلرنی هر
کسک مادوننده رؤیتلری بو دستور اخلاقییه مبتنیدر .
نفسلرنده بو درجه تواضع و محوی، التزام ایدنلرک :
مساکین و فقرا ایله همیزم صحبت اولدقلرنده هر حالده
اظهار حرمت و محبت آیدجکری ضروریدر . (اللهم
احشرنا فی زمره الفقراء و المساکین برحمتک یا ارحم
الراحمین آمین .

تراجم احوال صوفیه

سلمان فارسی

اوتوز اوچینجی نسخه ده کی مقاله نك ما بیدیر

سرور انیسا علیه اکمل التحایا افندمن حضرتلرینه
سرکذشتنی تمامیه عرض ایلدکن صوکره صحابه کرام
حضراتنک دخی بوسرکذشت نجیبی استماع ایتملری آرزوی
مقدس نبویدن اولمغه مشار الیهم حضراتنده آروجه
نقل و حکایه ایلدم . اعاده حریت ایلک اوزره یهودیه

مکاتبه (۱) فرمان بیوردیلر . بناء علیه تحت اسارتنده
بولندینغ یهودیه مقاوله کیرشیدیکمه یکیدن غرس ایدیلرک
یتیمش اوچبوز خورما آعاجیله اوچبوز منقال آلتون
اوزرینه عقد مکاتبه ایله کفایتی حضور سعادته عرض
ایتم . اصحاب کرامه خطاباً (فازداشکزه معاونت ایدیکر!)
بیوردیلر . فرمان جناب رسالتناهی اوزرینه اصحاب کزین
حصرائی اوتوزر ، اون بشر و هکذا هرکس استطاعتی
نسبتنده خورما فدانلری اعانه سنده بولنیوردی اوچبوز
فدان جمع ایدلش ایدی . یسفمیر افندمن حضرتلری
بونلری بالذات ید مبارکریله غرس ایتک اوزره لرلرینه
حفر و احضار ایلدکن صوکره عرض معلومات
ایتمکیمی اراده بیورمشلر ایدی . لرلرینک مهیا اولدینغی
عرض ایدنجه عللرینی تشریف ایله جمله سنی برر بر ید
مقدسلریله غرس ایلدیلر . علم الله بونلردن بر داغسی
بیله قورومدی . شو صورته مکاتبه بدلدنن خورما
آعاجلری تأدیه ایدلش ، یالکز اوچبوز منقال آلتون
قالش ایدی . نبی محترم صلی الله تعالی علیه وسلم افندمن
حضرتلری ید مبارکلارنده بر یورمله قدر آلتون
بولندینغی حالده فارسی مکاتب (۲) زرده ؟ دیه سؤال
بیورمشلر ایدی . درحال حضور سعادتلرینه دعوت
اولندم . مبارک اللرنده بولنان آلتونه اشارتله (بونی آل!
وزن ایدرک بورجکی ادا ایت !) بیوردیلر . یار رسول الله
بوکفایت ایتمز دیدم . (سن آل! حق تعالی حضرتلری
بونکله بورجکی ادا ایتمدر) دیدیلر . تعالی و تقدس
حضرتلرینه قسم ایلرمک : او یورمله قسدر آلتوندن
اوچبوز منقالی تماماً وزن ایتمکله معجزه نبویه برکاتیه

(۱) مکاتبه : اصطلاح شریعه معیلاً یاخود مؤجللاً بر
بدل معلومک تأدیه سی شرطیه عبد مملوک ایله مالکی آراسنده
ایجاب و قبول ایله عقد مقاوله بدیلرک بو مقصدک وقتونده
عبد مملوک فی الحال تصرفه قادر اولدینغی کی بدل معلومک تأدیه سیله
برابر نائل حریت اولور .

(۲) مکاتب : صیغه مفعول ایله مکاتبه فی عقد ایدن عبد
مملوک دیلایر .

اعاده حریت ایدم. بعدما اعتاب سنییه ملازمته خندق واحد غزوه لرند معیت مقدسه لرند بولندم .

•••

سلمان فارسی حضرت تارینک بالذات نقل بیوردقلری ترجمه حال و سرگذشتلری بوراده ختام بولمشدر . معیت مقدسه نبویهده ایلك دفعه اوله رق خندق غزوه شهرسند بولنش و اوئانده (سلمان منا اهل البیت) حدیث شریفله مبشر بیورلمشدر. احزاب مشرکینک متفقاً مدینه منوره به هجوم ایتک اوزره حرکتلری استخبار ایلدیکی صرمده دیانت اسلامیهده اصول مشورتک اهمیتنی مبین بولنان (و شاورهم فی الامر) آیت کریمه سته امتثالاً سید عالم صلی الله علیه و سلم افندمن حضرتلری اصحاب کرام ایله استشاره بیورمشلر ایدی . بو میانهده سلمان فارسی حضرتلری: خطه ایرانییه دشمنک شهر و قصبه راوزرینه هجومنده معناد اولدینی اوزره مدینه منوره نك اطرافنده دائراً مدار بر خندق حفریله مشرکینک تعرضلرینی عقیم براقی رایندم بولنش و طرف اقدس رسالتدن تصویب و قبول بیورلمغه اصحاب کرام اوزر اوزر طاقله آبریلره رق هان عملیات حفریه به مباشرت اولنش ایدی. هر بر طاقم حضرت سلمانک کندی طرفنده بولنسنی آرزوایدیوردی. علیه الصلات والسلام افندمن حضرتلری دخی اهل بیت رسالتلریله بالذات حفریاته اشتراك بیورمش اولدقلرندن (سلمان بز اهل بیتندر) تلطیف سعادت بخشاسیله مشارالهی معیت مقدسه لرینه آملشدر .

خندق غزوه سنک مقدمات مذکورده سی شریعت مطهره اسلامیهده اساسات مدنیهدن ایکی رکن رکنک درجه اهمیتنی واضحا اثبات ایدیورکه : بری اصول مشورت ، دیکری دخی هر تره دن ، هر هانکی بر قوم و ملتدن اولورسه اولسون (الحکمة ضالة المؤمن ایما و جدھا اخذھا) حدیث شریفی مقتضای منیفنجه اقتباس حکمتدر. چونکه سلمان فارسی حضر- تلی ایرانیلرک عادتجه خندق حفرینی عرض ایلدیکی زمائل ایرانیلر آتش پرست ایدیلر انلرک آتش پرستلکی

حد ذاتنده معقول و مستحسن اولان بر عادلترنک اخذ و استعمالنه مانع اولماش ایدی . یالکنز بو کیفیت ملت اسلامیه نك ترقی و تعالیسنی موجب اوله جق اسباب مستحسنه مدنیهنک هر تره ده و هر کیمده اولورسه اولسون هان اخذ و استعمالنک وجوب شرعیسنه بر دلیل کافیدر. جانب اقدس رسالتینا هیدن سلمان فارسی ایله ابوالدردا حضرتلری آراسنده عقد موآخت. ایدلش ایدی سلمان فارسی مداین شهری والیلکنده بولندیفی اسانده ابوالدردا بیت مقدسهده اختیار عزلت بیورمش ایدی. سلمان فارسی حضرتلرینه بر مکتوب یازمه رق مداین والیلکنک ترکیله ارض مقدسهده برابر عزلت و عبادت ایتک اوزره دعوتده بولمغه حضرت سلمان یازمش اولدقلری جوابنامه لرند (ارض مقدس انسانی تقدیس انحر انسانی تقدیس ایدن کندی اعمالیدر) بیورمشلدر .

مشار الیه : بیت مالدن تخصیصاتی آلدقجه قفرا و محتاجنه تصدق ایدر و معیشتنی دائماً کدیمین ایله تامین ایلر ایدی. رضی الله تعالی عنه وعن جمیع الآل و الاصحاب.

اولیس بن عامر القرنی

اوتوزنجی نسخه نك مابعدیدر

حضرت اولیسک عمر ابن الخطاب (رضی الله

تعالی عنهما) ایله ملاقاتی

مشار الیه مانک ملاقات علیه لری بر قاج صورتله منقول اولوب انلردن بری امام بیهقی دن مروی اولاندر. امام مشارالیه دلائلنده (اسیر ابن جابر) دن حاکی اوله رق بیوررکه حضرت عمر سید کائنات علیه افضل الصلوات افندمن حضرتلرندن (سزه یمندن و قبیله ممراد و قردن شویله بذات کله حکدر اندن دعا و استغفار طلب ایدک !) مألوسده کی حدیث شریفی بعد الاستماع دیار مذکوردن کلنلر اولدقجه ایچکزده اولیس بن عامر وارمیدر ؟ دیو سؤال بیوررلر ایدی .